

Seensa

Baga gara kadhannaa guyyoota kudhanii kan bara 2025 nagaan dhuftan! kadhannaan bakka daddamaqiinsi itti dhalate ta'uu isaa ni amanna. Akkuma nuti soomaa fi kadhannaadhaan isa waliin barbaaddane Waaqayyoo waggoota darban keessa malaallewwan hedduu isaa hojjeeteera. Hafuura qulqulluun warra jijjiraman waldaatti dabaluuftiin, dhimma wangeelaatiif fedhii namootaa haarsessee, waldaas dadamaqsee, hariiroo jiru hundas deebisee fayyiseera.

Kadhannaa guyyoota kudhanii bara kanaa kessatti, waaqayyoo inni hundumaa danda'u malaallewwan ajaa'ibsiisaa ta'an hojjete. . . Naanno waldaa keenyaa tokko waggoottan lamaaf humna ibsaa dhabanii turan. . . Kanaafuu kadhannaa guyyaa kudhanii irratti yeroo hundumaa humni ibsaa sun deebi'ee akka inni dhufuuf yeroo hundumaa ganama ganama akka kadhataaniif lubni waldaa sanaadhaa miseensota waldaatti himuuf kakaafame ture. Kadhannaan sun ulfina waaqayyootiif deebii argate .(P.C.O.)

[Yeroo kadhannaa guyyoota kudhanii] tuuta sana gidduutti of-kennuun, kaka'umsi, fedhii guddaafi, amanammummaan haareffamee ture. Dhuunfaatti kan nama haarsesu ta'u isaa hubadheera, akkasumas xumurri kadhannaa halkanii sun bu'a qabeessa eeggaannaadhaan godhame ture! Gara miilla Yesuusitti kan nu butan yeroon kadhaannaa akkasii amma illee dabalataan nu barbaachisa(E.A.)

Caaffata Qulqullaa'aa dubbisuufi kadhannaa irratti yeroo dheeraa fudhachuudhaan of kennuun koo hagas mara jabaa hinturre. Kadhannaa guyyota kudhanii booddee ilaalchan kadhannaadhaaf qabu sadarkaa guddaatiinan fooyyesse. Kadhaannaa, Waaqayyoon galateeffachuu, namoota biroof kadhachuu, akkasumas Caaffata Qulqullaa'aa dubbisuu irrattan yeroo koo heedduu dabarsuu eegale. Dhiibboo dhiigaas qaban ture, garuu gad naaf bu'e. Waaqa isa hundumaa danda'u nan galateeffadha.(H.R.)

[Yeroo kadhannaa guyyota sana keessa namootni hundumtuu obboleettii hojii dorgomtee gaafannoo/interview/ qabdu tokkoof kadhachaa turan.]Hojichas ni argate-hojii nama ga'umsa ol-aanaa qabu gaafatu turee, garuu isheedhaaf kenname. Qom-qabaafi turanii eeggachuu waggoottan heedduu booddee waanta waaqayyoo godhe heedduu ajaa'ibsiifanne. Yeroo meeqaadha kan nuti kadhanne? Lakkaa'uu hindandeenyu. adhannaan nuti amantiidhaan kadhannu akkasumaan hinta'u waan ta'eef, namni hundumtuu kadhannaa akka itti fufuuf nan jajjabeessa.L.B.)

Sagaleen waaqayyoo gara dadamaqinsaatti si waamaa jiraa? Macaafni qulqulluun sagaleewwan abdiitiin sii guutee jira.

- “sabni koo warri dhuunfaa koo ta'an kun gad of deebisanii yoo ana barbaaddataniif, yoo karaa isaanii isa hamaa irraa deebi'aniif yoo na kadhatan, ani waaqa irraa isanan dhaga'a, cubbuu isaanii isaaniif nan dhiisa, biyya isaaniiis nan fayyisa” (2Sena baraa 7:14).
- “Isin ana inbarbaaddattu; garaa keessan guutuudhaan yoo ana barbaaddattan, ana inargattu” “Erm.29:13”.
- “Maqaa gooftaa kan waammatu hundu infayya” (Yo'el 2:32).
- “Gara waaqayyootti dhiyaadha innis gara keessanitti indhiyaataa” (Yaa'iq 4:8)
- “kunoo balbala dura dhaabadheen jira eenyu illee sagalee koo dhaga'ee balbala yoo naaf bane olgaleen isaa waliin irbaata nyaadha, innis anaa wajjin inta'a” (Mul 3 20).

Amma jireenyaan eessa yoo jiraatte illee, waaqayyo hamma ati yaaddu caala sitti dhiyoo jira. Inni eebba isaa maatii kee irratt, waldaa kee irratti, hawwasa irratti, fi addunyaa irratti gad dhangalaasuu fedha!

Mata Duree Kadhannaa: Egaa Yeroo kadhattan . . .

Dubbisni keenya guyyaa guyyaa bara kan kanaa karaa Dr. Pavel Goia, gulaalaa barruulee tajaajilaa kan ta'een kan qopheeffameedha. Kadhannaa Gooftaafi barsiisawwan yesuus kan biroos qorachuuf seenaa tajaajila kan ofiisaatti fayyadama. Hiikkaa isaa gad fageenyaafi sarara hafuuraa barbaachisaa ta'e kan hordofuudha. Maqaa Waaqayyo "qulqulleessuu" jechuun maal jechuudha? Mootummaan waaqayyo lafa kana irratti maal fakkaata? Kan birootiif dhiifama gochuun keenya walitti dhufeenya nuti waaqa waliin akkamitti jijjiiruu danda'a? Waaqayyommoo namoota gara qorumsaatti geggeessee beekaa?

Jireenya hanga ammaatti jiraattus ta'e guyyoottan muraasaaf kadhachaa kan turte taatus, dubbisni seenaadhaan guute kun guyyaa hundumaa jilba keetiin Yesuusiin akka ati barbaadduufi fedha isaa qabaattuf si damqsu. Caaffata Qulqulla'aa ofitti dhiyeessitii hubannaadhaan dubbisi. Akkasumas yoo danda'ame, guyyoottan kadhannaa kana keessatti garee amantoota isaanii wajjin kadhattu barbaadi. Yeroo lama ykn sadii maqaa Yesuusiin walitti qabaman, malaalleetu ta'a!

Yeroo kadhannaatiif kan ka'aman qajeelfamoota filataman.

- Kadhannaa keessan gabaabsaa. Mata duree tokkoo irratti hima tokko ykn lama qofatti dhimmi ba'aa. Kana booda warra kaaniif dabaree kennaa. Hasaa kee keessatti yeroo haasooftu akka jaallateetti si'a baayyee kadhachuu ni dandeessa.
- Namni hundinuu deebii hafuura qulqulluu ha dhaggeefataniif yeroo isaan callisan yeroo kennuufii hin soodatiin.
- Akka hafuurri isin geggeessetti walii wajjin faarfannaa faarfachuun eebba guddaa dha. Kanaaf piyaanoo sin barbaachisu, meeshaa biraatti fayyadamuun garii ta'a.

Waa'ee gaaffii kadhannaa keetii hoddummeessuudhaan yeroo gati qabeessa kana qisaasessuu irra, callisiidhuma kadhaddhu. Kana booddee warri kaanis gaaffii kadhannaa keetii fi fedha keetiif sifaana kadhachuu danda'u.

Waadaa galame gaafachuu

Kadhannaa keenya keessatti isa waaqayyo waadaa nuuf seene sana gaafachuun carraa nuuf latame waan guddaa dha. Abboomiin isaa fi gorsi isaa hundinuu abdiwwan inni nu abdachiisee dha. Jabina isaatiin waan nuti hojjechuu hin dandeenye nun hin gaafatu.

Fedha keenya, rakkina keenya fi ba'aa keenya irratti xiyeeffannee yeroo kadhannaa dhimma keenyaaf boo'uunii fi harquun salphaa dha. Kaayyoon kadhannaa kana miti. Kadhannaa jechuun amantii keenya kan nuuf jabeesu jechuu dha. Kanaafii dha yeroo kadhannaa keessan keessatti waadaa waaqayyo nuuf seene akka gaafattanuuf kan nuti isin jajjabeesinuuf. Ija keessan mataa keessanii fi hir'ina keessan irraa irraa fudhaati gara Yasuus ilaala. Gara Isa ilaaluudhaan fakkaattii isaatti jijjiiramna.

Ellen White akkas jettee jajjabina laatti – “waadaan macaafa qulqulluu keessatti argamu hundinu kan keenya. Kadhannaa keessan keessatti, sagalee waaqa tokkichaa dhiyeessaatii waadaa inni nuuf galee ture amantiidhaan isa gaafadhaa. Yoo amantiidhaan isa gaafattaniif eebba hafuuraa hundumaa argachuuf sagaleen isaa wabii dha, gaaffii keessan itti fufaa, waan gaafattanii fi waan yaaddan hundumaa caalmaatti baayyiftannii argattu. (*In Heavenly Places*, p. 71).

Attamitti waadaa inni siif galee gaafachuu dandeessaa? Fakkeenyaaf, waa'ee nagaa yeroo kadhattan, Yoh. 14: 27 gaafachuu dandeessa, “nagaa isin biratti nan hambisa, nagaa koo isiniif nan kenna; ani akka biyyi lafaa itti kennuttan isiniif kenna miti, garaan keessan hin raafamin, hin sodaatinis!” jedhe. Maali iyyu ta'ee yeroo sanaaf yoo isinitti dhaga'amu baatee gooftaan nagaa waan nuuf kenneef isa galateeffanna.

Soomii

Yeroo soomii guyyoot kudhanii kana soomii Daani'eel some akka soomtaniif isin jajjabeessina. Waggicha soomaa fi kadhataan eegaluun waggaa isa dhufuutti jireenya keenya waaqaaf qulqulleessinee kennuuf mala dinqisiisaa dha. Ellen White akkas jetti “ammas ta'e gara fuul duraatti amma xumura baraatti sabni waaqayyoo caalmaatti garaa isaanii irraa dammaqanii, ogummaa isaanii utuu hin amanatin, ogummaa dura bu'aa isaanii tti kan amanan ni ta'u. guyyaa soomaa fi kadhataa addaan baasanii kaa'uu qabu. Guutummaatti nyaata dhiisuun hin barbaachisu, garuu sirriitti nyaata sassalphaa nyaachuu qabu.” (*Counsels on Diet and Foods*, pp. 188, 189).

Waa'ee Daani'eel ni beekna, inni guyyoota kudhaniif nyaata kuduraa fi muduraa nyaate. Nutis yeroo guyyoota kurnan kana nyaata sassalphaa akka nyaattaniif isin gorsina. Yoo sagalee waaqayyoo sirriitti dhaga'uuf sammuu ifaa qabaachuu feeneef, akkasumas yoo gara isaatti siquudhaaf barbaannee, akkaataan nyaata keenya gufuu akka nutti hin taaaneef mirkaneeffachuu qabnaa.

Soomiin nyaata irraa fagaachuu qofaa miti. Akkasumas televiizona, viidi'oo, geemii fi facebookii ykn YouTube irraas akka fagaattaniif isin gorsina. Yeroo tokko tokko wantoonni nuti gadhee dha hin jenne utuu isaan yeroo keenya bal'aa fudhatanii argina. Gooftaa waliin yeroo fudhattee dabarsuuf waan siif danda'amu hunda godhi.

Soomiin waaqayyoo biraa dinqii fudhachuuf karaa kutaa deemamu miti. Soomiin mataa ofii gad deebisanii akka waaqayyoo nu keessaan hojjetuu fi karaa keenya hojjetu gochuu dha. Karaa soomaa fi kadhataa garaa isaatti ha siqnu, yeros innis gara keenyatti ni siqaati.

Hafuura Qulqulluu.

Jireenya nama tokkoo ykn haala murtaawaa keessatti waan kadhachuu qabdan akka inni isinitti agarsiisuuf hafuraa qulqulluu gaafachuu keessan dursaatii mirkaneeffa dha. Macaafni qulqulluun nuti waan kadhannu akka hin beeknee hafuurri qulqulluun gidduu seenee qooda keenya akka nuuf kadhata hubadhaa.

“Kaka'umsa Hafuura Qulqulluutiin malee maqaa Kiristos qofaatiin kadhachuu hin qabnu. “hafurrichi immoo akkuma Kanatti dadhabbi keenyaatti nu gargaara; nu'I maal kadhachuun akka nu barbaachisu akka ta'utti hin beeknu; hafurrichib garuu aaduu isaatiin karaa namni dubbiidhaan mullisuu hin dandeenyeen nuuf hin kadhata.” (Rom. 8:26). kadhannaa akkasii kana waaqayyoo debisuuf isatti tola. Yeroo nuti garaa keenya irraa itti yaadnee maqaa kiristoosiin kadhannaa keenyaan hafuura baafannu kan nuti kadhannuu fi kan nuti yadnuu hundumaa caalchisee kadhata keenya akka deebisu waaqayyoo biraa waadaan ni jira. (Efeso 3:20)” (*Christ's Object Lessons*, p. 147).

Amantii

Hafuura raajii keessatti akkas kan jedhu dubbifna “kadhannaa fi amantiin humni kam illee lafa kana irratti gochuu kan hin dandeenya raawwatu”. (*The Ministry of Healing*, p. 509). “kennaa inni nuuf kennuuf waadaa nuuf seene kamiifuu, kadhachuu qabnaa, kadhannee immoo akka argannuu amanuutu nu irra jira, waan inni nuuf godhe sanaaf immoo galata isaaf deebisuu qabna.”” (*Education*, p. 258) kanaaf waan waaqayyoo godhuu fi kadhannaa keetiif attamitti akka inni deebii kennu amantiidhaan dursitanii galata dhiyeesuufiif shaakala qabaadhaa.

Warra Kaaniif Kadhachuu

Namoota shanii hanga torbaa ga'an, waaqayyoo jireenya keessan keessa kan kaa'eef akka kadhataaniif isaan jajjabeessi. Namoota shanii hanga torbaatti filiitii -- Firootaa keessan ta'uu danda'u, michoota keessanis, walii wajjin kan hojjetan, ollaa keessan, nama isin yeroo hunda wal argitan ta'uu danda'a. waaqayyoo eenyuuf akka ati kadhachuu qabdu sitti ha himuuf yeroo muraasa fudhadhuutii isa gaafadhu. Namoota kanaaf ba'aa dhugaa

isinitti hakennuuf isa gaafadhaa. Waraqaa xiqqoo irratti maqaa isaanii barreessitii iddoo gaarii kaa'I, waan akka macaafaa qulqulluu keessa. Waaqayyo attamitti kadhata kee akka deebisu malaalfachuuf jirtaa!

Kadhannaa Guyyaa Kudhanii keessa Qom Qabaa Ba'anii Lallabuu

Yasuus warra naannoo keenya jiraniif kadhachuu qofa utuu hin taane waan isaan fedhan hundaan isaan akka tajaajiluuf nu waame. "beela'een ture, nyaata anaaf kennitaniittu,; dheebodheen turee dheebuu ana baaftaniittu; orman ture akka mana keessaniitti ana simattaniittu. Qullaa koo ta'een turee daara ana baafataniittu; dhukkubsadheen ture nagaafattaniittu, hidhameen turee gara koo dhuftaniittu jedhe." (Matt. 25:35, 36).

Kitaaba Tajaaila Fayyisuu jedhu keessatti "jireenya fuula lama qabu jiraachuu qabna – jireenya dhuga batii fi jireenya isa dubbatan sana hojiin agarsiisuu, kadhannaa garaa keessatti godhamuu fi jabaatanii hojjechuu" (p. 512). Jaalala hedduu fayyisaa keenya irraa fudhanne, carraa jaalala sana michoota keenyaaf, olloota keenyaaf, keesummootaaf hiruu qabna,

Attamitti atii fi waldaan kee kadhannaa guyyaa torbanii booda warra kaan tajaajiluu danda'an waaqayyoon gaafadhu. Hojii tajaajilaa kurfesaa utuu jirtuu wantoota akka ati hin kadhanneeff boodatti si harkisan hunda ofirraa fageessi. "dadhabbiin dhuunfaa warra kaanitti dadhabamu kadhanaadhaan itti fufamuu qaba; saayinsiin lubbuu fayyisuu ogummaa guddaa waan gaafatuuf. Utuu namoota waliin quunnamtii hin godhiin kiristoosii wajjin wal-quunnamii. Teessoo ayyaana waaqaa duratti namootaaf dhugaa ba'uuf qophii qabaadhu". (Prayer, p. 313).

Toora interneetaa kadhannaa guyyoota kudhanii irra yoo seentee sanada tuullaa karaa ittiin ala ba'anii dhugaa lallaban kan ibsu yaada hedduu argatta. Yesuus addunyaa waa sirraa barbaadu kanaaf akka ati harka isaa fi miilla isaa taatee isaaf hojjettu si afeera.

Waa'ee Barreesichaa

Pavel Goia, Doktoora tajaajilaa/DMin/,kan dibame,saba heedduutti kan dubbatufi,gulaalaa nama ta'eedha.Tajaajila isaa kan eegale biyya dhaloota isaa Roomaaniyaattiidha.Pavelfi haati manaa isaa jaallatamtuun Danielia kan jedhamtu barumsa Pavel tajaajilaaf qabu itti fufsiisuuf ijjoolllee dhiira isaanii lammaanii wajjin gara Amerikaatti socho'an.Waldaa Roomaaniyaafi Amerikaa keessatti lubummaadhaan tajaajiluun,akkasumas kadhannaa fi mata dureewwan biroonis adunyaa irra naanna'uudhaan fiixaan ba'iinsa argateera. Pavel Goian humnaafi hafuuraan seenaafi barreessaa baruulee qorannoof kitaaba kan tureedha.Pavel yeroo ammaa barreessa itti aanaa tajaajiltootaa waldaa Adveentistii Guyyaa torbaffaa Addunyawaafi gulaalaa joornaalii paasteroota addunyaawaa ta'ee hojjechaa jira.Hanga danda'ameefitti yeroosaa jaallatamtuu haadha manaa isaa Daniela,ijjoolllee dhiiraa isaa lamaan,ilmaan akaakayyuu arfaniifi,saree isaa amanmaa waliin daabrsuu jaallata. Barreeffamni kadhata guyyoota kudhanii kun "Ministerial Association, General Conference of Seventh-day Adventists" dhaan qopheeffame.

Heertuun hundumti isaa "The New King James Version" kan fudhatameedha, copyright © 1979, 1980, 1982,

Thomas Nelson, Inc., Publishers.